



Broj: 02/1-50-1-22-44/09

Dana, 27.10.2009.

ZAPISNIK

sa 44. sjednice Ustavnopravne komisije Doma naroda Parlamentarne skupštine BiH održane 13.10.2009. godine.

Sjednica je održana 13.10.2009. godine sa početkom u 11 sati.

Sjednici su prisustvovali članovi Komisije:

1. Ivo Miro Jović,
2. Slobodan Šaraba,
3. dr Božo Ljubić
4. dr Hilmo Neimarlija,

Sjednici je prisustvovao i sekretar Komisije, dr. Zijad Hasić.

Sjednici nisu, iz opravdanih razloga, prisustvovali Sulejman Tihić i Zoran Koprivica, članovi Ustavnopravne komisije.

Od gostiju, sjednici Komisije prisustvovali su: Vildana Bakšić, Pravni asistent iz OSCE Misije u Bosni i Hercegovini; Zoran Brkić iz Parlamentarne skupštine BiH, Mate Miletić, pomoćnik ministra sigurnosti i Sead Zukanović, pomoćnik Pravobranioca Bosne i Hercegovine.

Nakon kraće diskusije, na prijedlog predsjedavajućeg Komisije **Ive Mire Jovića**, članovi Komisije su usvojili sljedeći

DNEVNI RED

1. Verificiranje Zapisnika 43. sjednice Komisije;
2. Realiziranje ranije donesenih zaključaka;
3. Prijedlog zakona o primjeni Rimskog statuta Međunarodnog krivičnog suda i saradnji sa Međunarodnim krivičnim sudom, predlagač Vijeće ministara Bosne i Hercegovine; **(osnovni zakonodavni postupak: Postupak u nadležnoj komisiji čl. 102.-107. Poslovnika);**
4. Prijedlog zakona o izmjenama i dopunama Zakona o Pravobranilaštvu BiH, predlagač Vijeće ministara Bosne i Hercegovine; **(osnovni zakonodavni postupak: Postupak u nadležnoj komisiji čl. 102.-107. Poslovnika);**
5. Prijedlog zakona o izmjenama i dopunama Zakona o sportu u Bosni i Hercegovini; predlagač Predstavnički dom Parlamentarne skupštine BiH; **(osnovni zakonodavni postupak: Postupak u nadležnoj komisiji čl. 102.-107. Poslovnika);**
6. Prijedlog zakona o izmjenama i dopunama Zakona o upravi; predlagač Vijeće ministara BiH; **(usaglašenost s Ustavom i pravnim sistemom: Prva faza u nadležnoj komisiji čl. 97. i 98. Poslovnika);**
7. Prijedlog zakona o izmjeni Zakona o krivičnom postupku, predlagač Vijeće ministara Bosne i Hercegovine, **(usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika);**

8. Prijedlog zakona o Agenciji za prevenciju korupcije i koordinaciju borbe protiv korupcije; predlagač Vijeće ministara BiH, (**usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika**);
9. Prijedlog zakona o izmjenama i dopunama Zakona o slobodi pristupa informacijama u Bosni i Hercegovini; predlagač Predstavnički dom Parlamentarne skupštine BiH (usaglašenost s Ustavom i pravnim sistemom: Prva faza u nadležnoj komisiji čl. 97. i 98. Poslovnika);
10. Prijedlog zakona o dopuni Zakona o Službenom glasilu Bosne i Hercegovine; predlagač Predstavnički dom Parlamentarne skupštine BiH, (usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika);
11. Ostala pitanja.

Ad. 1. Verificiranje Zapisnika 43. sjednice Komisije

Ivo Miro Jović, predsjedavajući Komisije, predložio je diskusiju o ovoj tački Dnevnog reda.

Nije bilo diskusije o Zapisniku s 43. sjednice.

Nakon toga, Komisija je jednoglasno usvojila Zapisnik 43. sjednice.

Ad. 2. Realiziranje ranije donesenih zaključaka

U uvodu za ovu tačku dnevnog reda, **Ivo Miro Jović**, predsjedavajući Komisije, predložio je da, po običaju, sekretar Komisije, prezentira stanje zaključaka i njihove realizacije.

Sekretar Komisije, **dr Zijad Hasić**, upoznao je članove Komisije o stanju zaključaka, konstatirajući da je članovima Komisije dostavio pismeni pregled zaključaka i njihove dosadašnje realizacije.

U kraćem izlaganju, on je upoznao članove Ustavnopravne komisije o realizaciji, ističući da do održavanja ove sjednice nije bilo nikakvih aktivnosti u vezi zaključaka. On je, posebno, ukazao na zaključak koji se odnosi na konačnu informaciju Ministarstva pravde BiH o izdržavanju kazne zatvora u Bosni i Hercegovini, **pa je zaključeno da se navedena informacija stavi na dnevni red naredne sjednice Ustavnopravne komisije.**

Nakon toga, članovi Ustavnopravne komisije Doma naroda Parlamentarne skupštine Bosne i Hercegovine, primili su na znanje prezentaciju zaključaka.

Ad. 3. Prijedlog zakona o primjeni Rimskog statuta Međunarodnog krivičnog suda i saradnji sa Međunarodnim krivičnim sudom, predlagač Vijeće ministara Bosne i Hercegovine; (**osnovni zakonodavni postupak: Postupak u nadležnoj komisiji čl. 102.-107. Poslovnika**)

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na sljedeće:

Predlagač, Vijeće ministara Bosne i Hercegovine dostavio je, 27.7.2009. godine, Domu naroda Parlamentarne skupštine BiH Prijedlog zakona o primjeni Rimskog statuta međunarodnog krivičnog suda i saradnji s Međunarodnim krivičnim sudom, radi razmatranja i usvajanja po osnovnom postupku. Ustavnopravna komisija Doma naroda Parlamentarne skupštine BiH, na 42. sjednici, održanoj 9.9.2009. godine, razmatrala je, Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, predlagača Vijeća ministara Bosne i Hercegovine. Nakon provedene rasprave, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila sljedeće:

1. Postoji ustavnopravni osnov za donošenje Zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je zatim jednoglasno podržala principe predloženog zakona. Dom naroda Parlamentarne skupštine Bosne i Hercegovine je na 35. sjednici održanoj 15.9.2009.godine, usvojio Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, u prvom čitanju.

U ovom drugom čitanju, nije bilo predloženih amandmana na Prijedlog zakona. Predložio je diskusiju i raspravu o Prijedlogu zakona.

Nakon provedene rasprave, Ustavnopravna komisija Doma naroda Parlamentarne skupštine Bosne i Hercegovine, jednoglasno je utvrdila sljedeće:

1. jednoglasno je prihvatila tekst Prijedloga zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom,
2. konstatirala je da je Zakon neophodno donijetiti i predlaže Domu naroda da usvoji Zakon.

Ad. 4. Prijedlog zakona o izmjenama i dopunama Zakona o Pravobranilaštvu BiH, predlagač Vijeće ministara Bosne i Hercegovine; (**osnovni zakonodavni postupak: Postupak u nadležnoj komisiji čl. 102.-107. Poslovnika**)

U vezi ove tačke dnevnog reda, **Ivo Miro Jović**, predsjedavajući Komisije, ukazao je na slijedeće:

Predlagač, Vijeće ministara Bosne i Hercegovine dostavio je, 20.7.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o Pravobranilaštvu. Ustavnopravna komisija Doma naroda Parlamentarne skupštine BiH, na 42. sjednici, održanoj 9.9.2009. godine, razmatrala je, Prijedlog zakona o izmjenama i dopunama Zakona o Pravobranilaštvu Bosne i Hercegovine, predlagača Vijeća ministara Bosne i Hercegovine.

Nakon provedene rasprave, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o izmjenama i dopunama Zakona o Pravobranilaštvu Bosne i Hercegovine;ž
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je zatim jednoglasno podržala principe predloženog zakona. Dom naroda Parlamentarne skupštine Bosne i Hercegovine je na 35. sjednici održanoj 15.9.2009. godine, usvojio Prijedlog zakona o izmjenama i dopunama Zakona o Pravobranilaštvu Bosne i Hercegovine, u prvom čitanju. U amandmanskoj fazi, **Hazim Rančić**, delegat u Domu naroda uložio je u roku amandmane na Prijedlog zakona o izmjenama i dopunama Zakona o Pravobranilaštvu Bosne i Hercegovine. Predložio je raspravu o Prijedlogu zakona.

Milana Popadić, pomoćnik ministra pravde Bosne i Hercegovine u svojoj raspravi istakla je da nije za prihvatanje Amadmana I. delegata Hazima Rančića, dok je Amandman II. prihvatljiv. Također, istakla

je da pravobranioca, kao izvršioca važnih poslova zaštite interesa države nema u zakonu koji regulira oblast plata

Dr Hilmo Neimarlija je ukazao na činjenicu da je Predstavnički dom u drugom čitanju, usvojio dva amandmana, koji su identični amandmanima delegata Hazima Rančića. On se založio za prihvatanje oba amandmana, jer bi to bilo identično, kao što je Predstavnički dom prihvatio.

Ivo Miro Jović je, prije glčasanja kostatirao da predlagač ne prihvata amandmane koji su usvojeni na sjednici Predstavničkog doma

Nakon rasprave, Komisija s tri glasa „protiv“ i jednim glasom „suzdržan“ nije prihvatila Amandman I. delegata Hazima Rančića, te jednoglasno usvojila Amandman II delegata Hazima Rančića, koji glasi:

Amandman I

Član 2. Prijedloga zakona o izmjenama i dopunama Zakona o Pravobranilaštvu Bosne i Hercegovine mijenja se i glasi.

„U Zakonu o Pravobranilaštvu Bosne i Hercegovine („Službeni glasnik BiH“, br.: 08/02, 10/02, i 44/04.) u članu 3. u stavu (1) riječi: „deset godina“ mijenjaju se riječima „osam godina nakon položenog pravosudnog ispita“.

U stavu (2) iza riječi „pet godina“ dodaju se riječi: „nakon položenog pravosudnog ispita“.

Nakon toga, Ustavnopravna komisija Doma naroda Parlamentarne skupštine Bosne i Hercegovine, jednoglasno je utvrdila sljedeće:

1. jednoglasno je prihvatila tekst Prijedloga zakona o izmjenama i dopunama Zakona o Pravobranilaštvu Bosne i Hercegovine s usvojenim amandmanom,
2. konstatirala je da je Zakon neophodno donijetiti i predlaže Domu naroda da usvoji Zakon s usvojenim amandmanom;

Ad. 5. Prijedlog zakona o izmjenama i dopunama Zakona o sportu u Bosni i Hercegovini; predlagač Predstavnički dom Parlamentarne skupštine BiH; (**osnovni zakonodavni postupak: Postupak u nadležnoj komisiji čl. 102.-107. Poslovnika**)

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na sljedeće: Predlagač, Predstavnički dom Parlamentarne skupštine Bosne i Hercegovine dostavio je, 23.7.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o sportu u Bosni i Hercegovini, radi razmatranja i usvajanja po osnovnom zakonodavnom postupku. Ustavnopravna komisija Doma naroda Parlamentarne skupštine BiH, na 41. sjednici, održanoj 1.9.2009. godine, razmatrala je, Prijedlog zakona o izmjenama i dopunama Zakona o sportu u Bosni i Hercegovini, predlagača Predstavničkog doma Parlamentarne skupštine Bosne i Hercegovine. Nakon provedene rasprave, Ustavnopravna komisija Doma naroda Parlamentarne skupštine Bosne i Hercegovine je s četiri glasa „za“, jednim glasom „protiv“ i jednim glasom „suzdržan“ utvrdila sljedeće:

1. Postoji ustavnopravni osnov za donošenje Zakona o izmjenama i dopunama Zakona o sportu u Bosni i Hercegovini;

2. Ponuđeni tekst zakona je usaglašen sa Ustavom Bosne i Hercegovine i pravnim sistemom;

3. Ponuđeni tekst zakona može se uputiti u daljnju zakonodavnu proceduru.

Komisija je zatim jednoglasno podržala principe predloženog zakona. Dom naroda Parlamentarne skupštine Bosne i Hercegovine je na 35. sjednici održanoj 15.9.2009.godine, usvojio Prijedlog zakona o izmjenama i dopunama Zakona o sportu u Bosni i Hercegovini, u prvom čitanju.

Ivo Miro Jović je zatim, ukazao na činjenicu da je on uložio je u roku amandmane na Prijedlog zakona o izmjenama i dopunama Zakona o sportu u Bosni i Hercegovini. Predložio je raspravu o Prijedlogu zakona.

Dr Božo Ljubić smatra da amandmani Ive Mire Jovića samo uvode kanton kao ustavnu kategoriju u tekst ovog Prijedloga zakona.

Nakon rasprave, Komisija je jednoglasno usvojila slijedeće amandmane:

Amandman I.

U članu 5. Prijedloga Zakona o izmjenama i dopunama Zakona o sportu u Bosni i Hercegovini, koji se odnosi na član 28.a. (Amaterski sportski klub invalidnih lica) iza riječi „sportu“ briše se ostatak teksta, a novi tekst glasi: „Republike Srpske, županija-kantona, Brčko Distrikta i drugim propisima iz područja sporta“.

Amandman II.

U članu 5. u dijelu koji se odnosi na „član 28b. (Profesionalni sportski klub invalidnih lica) u stavu (2) riječi „entiteta i drugih nivoa administrativnog organiziranja“ brišu se, a umjesto njih, novi tekst glasi: „Republike Srpske, županija-kantona i Brčko Distrikta“.

Amandman III.

U članu 5. u dijelu koji se odnosi na „član 28d. (Sportski savez invalidnih lica) u stavu (1) iza izraza „entiteta,“ dodaju se riječi „županija-kantona i Brčko Distrikta“.

U istom stavu, iza riječi „invalidna lica“ stavlja se tačka i briše ostatak teksta te rečenice.

Amandman IV

U članu 5. u dijelu koji se odnosi na „član 28d. (Sportski savez invalidnih lica) u stavu (2) iza riječi „odluka“, riječ „entitetskih“ mijenja se riječima „Republike Srpske, županija-kantona i Brčko Distrikta“.

U istom stavu, u izrazu „entitetskih saveza“, riječ „entitetskih“ mijenja se riječju „sportskih“.

Amandman V.

U članu 5. u dijelu koji se odnosi na „član 28d. (Sportski savez invalidnih lica) u stavu (4) iza riječi „entiteta“ dodaju se slijedeće riječi „županija-kantona i Brčko Distrikta“.

Nakon toga, Ustavopravna komisija Doma naroda Parlamentarne skupštine Bosne i Hercegovine, jednoglasno je utvrdila slijedeće:

1. jednoglasno je prihvatila tekst Prijedlog zakona o izmjenama i dopunama Zakona o sportu u Bosni i Hercegovini s usvojenim amandmanima,
2. konstatareala je da je Zakon neophodno donijetiti i predlaže Domu naroda da usvoji Zakon s usvojenim amandmanima;

Ad. 6. Prijedlog zakona o izmjenama i dopunama Zakona o upravi; predlagač Vijeće ministara BiH; **(usaglašenost s Ustavom i pravnim sistemom: Prva faza u nadležnoj komisiji čl. 97. i 98. Poslovnika)**

U vezi ove tačke Dnevnog reda, Ivo Miro Jović, predsjedavajući Ustavnopravne komisije, istakao je slijedeće:

Vijeće ministara Bosne i Hercegovine, kao predlagač, dostavilo je 14.9.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o upravi, radi razmatranja i usvajanja. Predložio je raspravu o Prijedlogu zakona.

Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o izmjenama i dopunama Zakona o upravi;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je, zatim, jednoglasno podržala principe predloženog zakona.

Ad. 7. Prijedlog zakona o izmjeni Zakona o krivičnom postupku, predlagač Vijeće ministara Bosne i Hercegovine, **(usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika)**

U vezi ove tačke, Ivo Miro Jović, predsjedavajući Ustavnopravne komisije Doma naroda PS BiH istakao je slijedeće:

Vijeće ministara Bosne i Hercegovine, kao predlagač, dostavio je 14.9.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o krivičnom postupku Bosne i Hercegovine, radi razmatranja i usvajanja. Predložio je diskusiju o ovom Prijedlogu zakona.

Nije bilo diskusije. Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o izmjenama i dopunama Zakona o krivičnom postupku Bosne i Hercegovine,;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ustavnopravna komisija je, zatim, jednoglasno podržala principe predloženog zakona.

Ad. 8. Prijedlog zakona o Agenciji za prevenciju korupcije i koordinaciju borbe protiv korupcije; predlagač Vijeće ministara BiH, (**usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika**)

U vezi ove tačke Dnevnog reda, Ivo Miro Jović, predsjedavajući Ustavnopravne komisije, istakao je slijedeće:

Vijeće ministara Bosne i Hercegovine, kao predlagač, dostavio je 28.9.2009. godine, Domu naroda Parlamentarne skupštine BiH Prijedlog zakona o Agenciji za prevenciju korupcije i koordinaciju borbe protiv korupcije, radi razmatranja i usvajanja. Predložio je raspravu o ovom Prijedlogu zakona.

Nakon provedene rasprave, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o Agenciji za prevenciju korupcije i koordinaciju borbe protiv korupcije;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ustavnopravna komisija je, zatim, jednoglasno podržala principe predloženog zakona.

Ad. 9. Prijedlog zakona o izmjenama i dopunama Zakona o slobodi pristupa informacijama u Bosni i Hercegovini; predlagač Predstavnički dom Parlamentarne skupštine BiH (usaglašenost s Ustavom i pravnim sistemom: Prva faza u nadležnoj komisiji čl. 97. i 98. Poslovnika)

U uvodu za ovu tačku dnevnog reda, Ivo Miro Jović, predsjedavajući Komisije, ukazao je na slijedeće:

Predstavnički dom Parlamentarne skupštine Bosne i Hercegovine, kao predlagač, dostavio je 4.9.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o slobodi pristupa informacijama u Bosni i Hercegovini, radi razmatranja i usvajanja. Predložio je raspravu o Prijedlogu zakona.

Nije bilo rasprave. Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o izmjenama i dopunama Zakona o slobodi pristupa informacijama u Bosni i Hercegovini;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ustavnopravna komisija je, zatim, jednoglasno podržala principe predloženog zakona.

Ad 10. Prijedlog zakona o dopuni Zakona o Službenom glasilu Bosne i Hercegovine; predlagač Predstavnički dom Parlamentarne skupštine BiH, (usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika)

U vezi ove tačke, Ivo Miro Jović, predsjedavajući Ustavnopravne komisije Doma naroda PS BiH istakao je slijedeće:

Predstavnički dom Parlamentarne skupštine Bosne i Hercegovine, kao predlagač, dostavio je 2.10.2009. godine, Domu naroda Parlamentarne skupštine BiH Prijedlog zakona o dopuni Zakona o Službenom glasilu Bosne i Hercegovine, radi razmatranja i usvajanja. Predložio je raspravu o Prijedlogu zakona.

Nije bilo rasprave. Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o dopuni Zakona o Službenom glasilu Bosne i Hercegovine;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ustavnopravna komisija je, zatim, jednoglasno podržala principe predloženog zakona.

Ad 11. Ostala pitanja.

U daljnjem radu, **Ivo Miro Jović** je predložio da dr Zijad Hasić, sekretar Ustavnopravne komisije prezentira eventualne predmete za ovu tačku.

Sekretar Ustavnopravne komisije je ukazao na dopis Sekretarijata PS BiH broj 01,02,03-50-3-1113/09 od 9.10.2009. godine u vezi dozvole za prisustvo sjednicama Ustavnopravne komisije od osoblja Misije OSCE-a u BiH.

Nakon kraće diskusije zaključeno je da osoblje Misije OSCE-a u BiH, navedeno u dopisu OSCE-a od 10.9.2009. godine može nesmetano prisustvovati sjednicama Ustavnopravne komisije.

Nakon toga, Komisija je završila svoju sjednicu u 13,40 sati.

SEKRETAR USTAVNOPRAVNE

KOMISIJE

dr. Zijad Hasić

PREDSJEDAVAJUĆI USTAVNOPRAVNE

KOMISIJE

Ivo Miro Jović s.r.